

txoritxoari mokoka

Tranbia geltokiak

Larunbatean *Sautrela*-n ikusi genuen Unai Elorriaga, Hasier Etxeberriarekin bere lehen nobela arrakastatsuari buruz hizketan. Hasteko, *SPrako tranbia* liburuan aguretutako pertsonaiak agertzeko erabakia nolatan hartu zuen azaldu zuen algortarrak: maite omen du jende adindunarekin aritzea, gizartean kontrako jarrera nagusi den arren. Autokritika pixka bat ere egin zuen: pentsatu zuen istorioari formarik egokiena emateko estilistikoki egin zuen ahalegina ez omen zitzaion nahi bezain biribil atera. Espainiako Narrati-



IMANOL OTEGI / ARKAZKI PRESS
Unai Elorriaga idazlea.

ba Sari Nazionalerako finalista izendatu zutenean konturatu omen zen horretaz, obra gaztelaniara itzultzen hasi zenean. Saria eman diote, baina, eta poztu gara. Besteak beste, sariaren sosak lagungarri izan ditzakeelako idazle izateko bere ametsa betetzeko; eta *SPrako tranbia* atsegin handiz irakurritako liburuen gure memorian dagoelako. Eta, nola ez, euskarazko literaturaren inongo aipamenik egin ohi ez duten hedabideetan ere hasi dira saridun berriaren notizia ematen. Sariarekin jaio da eurentzat idazlea. «Bazterreko literatura da gurea». Hori ere entzun genion Elorriagari *Sautrela*-n. Sariak sari eta tranbia geltokiak geltoki, hitzon pisua larunbatean baino nabarmenagoa zaigu gaur.

Amagoia Iban

LABURAREN

Javier Balza eta Txema Montero Radio Euskadin izango dira gaur

Eusko Jaurlaritzako Barne Saileko kontseilari Javier Balza elkarrizketatuko dute gaur goizeko 09:15ak aldera Radio Euskadiko *Boulevard* irratsaioan. Angel Acebes Espainiako ministroarekin bihar izan beharreko elkarrizketaz mintzatuko da Balza. Arratsaldeko 18:00ak aldera, *El Altavoz* saioan, Txema Monterok Juan Jose Ibarretxeren proposamenaren gaineko iritzia emango du.

Europako Batasunak arrazoia eman die kate pribatuei kirol emanaldien aferan

EBko Auzitegiak T5, A3, M6 eta SICen aldeko erabakia hartu du, kirol emanaldien eskubideen erosketak arautzea konpetentziaren aurkakoa ulertuz. Sydneyko Olinpiar Jokoen irudietan TVEk informazio eskubidea ukatu zion T5i eta orain EBren aurrean hori salatu dute. Hemendik aurrera telebista publikoek ez dute monopolioa izango nazioarteko kirol emanaldien eskubideetan.

Florentino Fernandezek gidatutako 'El show de Flo' umore saioa estreinatuko dute gaur gauean TVE1 katean

Azkeneko urteetan T5eko *El Informal* saioan ibili eta gero, Florentino Fernandez umoregilea TVE1n ariko da hemendik aurrera. Gaur gaueko 22:00etan estreinatuko dute *El show de Flo* saioa. Fernandezek Cristina Ardohain *Pampita* argentinar gaztea izango du alboan programa aurkezteko. Miki Nadal eta Cristina Solano ere saioan izango dira, eta musikak bere tarte bat ere du. 90 minutuko iraupena du.

PITITAKO IRRATIA. Programazio berriari ekin diote aste honetan



PITITAKO
Santurtziko Pititako Irratiko estudioetako irudi bat.

Bozgorailu kritikoa

Presoen egoeraren inguruko programa bat egingo dute astelehenetan, 21:00etan

Urtzi Urkizu | DONOSTIA

Santurtziko Pititako irrati librearen programazio berria hasi zen astelehenean. FMko 107.00 frekuentzian entzun daiteke irrati, baita Internet bidez ere. Helbidea honakoa da: <http://80.35.100.205:8000/listen.pls>.

Orain arte bezala, gauzak esan nahi dituen edozein taldek edo pertsonak zabalik aurkituko ditu Pititakoren mikroak. Horixe nabarmendu izan dute beti Santurtziko irratiako kideek. «Modu berean, airean jarraitze-ki irrati bultzatu duen jendeari

eskertu nahi diogu, gauzak adierazteko erabili duelako, dirua eman digulako, entzun delako edo informazioa bidali duelako», diote Pititakoko kideek.

Denboraldi honetan *Berritako zortzietan* albistegia eskainiko dute (astelehenetik ostiralera, 20:00etan). Asteroko *Berritako* albistegia, berriz, larunbatetan 14:00etatik 15:00etara izango da. Bertan taldeen ahotsoa jaso nahi dute. «Gure inguruko borrorak bultzatzen saiatuko gara, eta, zentzu honetan, talde eta pertsonen adierazpenak, sakaketak edo barreak zabalduko

ditugu» diote Pititako irrati lagunek.

Programazio berrian, irratia kritikoan mantenduko dituzte, besteak beste, *La hoja akarta*, *Y sin embargo se mueve*, *Stop control* eta abar. Hiru saio berri ere izango dira: *Iconoclasta* programan arte munduaren beste ikuspegiak erakutsiko dituzte (ostegunetan 19:00etan), *Folios en blanco* saioa idazle ezezagunen esparrua izango da (asteazkenetan 20:05ean), eta *4º Grado* saioak kartzelen aurkako borrokaren informazioa eta presoen egoera larria gogoratuko du (astelehenetan, 21:00etan).

Irratsaioak emititzen ez dituzten gainerako orduetan mota guztietako musika jartzen dute Pititako Irratian.

EUSKADI IRRATIA



EITB
Susana Mujika Euskadi Irratiko esataria.

Elkarrizketa bereziak egingo dituzte Euskadi Irratiko 20. urtemugan

U.U. | DONOSTIA

Euskadi Irratiak hogeitau urte beteko ditu azaroaren 23an. Hogeitau urte horiek aztertze asmoarekin, 20 gizon eta emakumerengana joko du Susana Mujika *Lauretan babel* programako esatariak, bakoitzak bere arloko esperientziak eta gogoetak plazara ditzan. Elkarrizketak binaka izango dira, alor ezberdinetako pertsona ezagunak aurrez aurre jarritz.

Solasaldiak irrati eta telebistaz

Elkarrizketak lehendabizi Euskadi Irratian entzun ahal izango dira, eta ondoren ETB1 katean emitituko dituzte. Litekeena da urriaren 22an emititzea irratiaren lehenengo elkarrizketa.

Azkeneko bi hamarkadetan izan diren aldaketak izango dira hizpide solasaldietan: globalizazioa, familia kontzeptu berriak, migrazioak, Internet, kontzientzia ekologikoa eta abar.